

Zeitschrift: Akzent : Magazin für Kultur und Gesellschaft
Herausgeber: Pro Senectute Basel-Stadt
Band: - (1997)
Heft: 1

Rubrik: Miir Alte - und dr Yydritt in s Haim

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.06.2025

ETH-Bibliothek Zürich, E-Periodica, <https://www.e-periodica.ch>

Miir Alte – und dr Yydritt in s Haim



Carl Miville

Wenn men alt wird, isch das uff ai Wääg e Gligg. Andersyts kunnt drno vylicht emool e Zyt, wo me mit den Uffgoobe, wo s Lääben aim stellt, nimme z Schlaag kunnt, keerperlig oder gaischtig – oder baides. Doo hänn sich friener die ainte deheim vo Dienschten oder Verwandte loo pfläagen und au in allem andere loo hälfe, die andere sinn in d Pfruend. Dasch drno en eender armsäaligi Existänz gsi.

Hit git s Alters- und Pfläaghaim, die maischte rächt bis guet gfiert von ere Laitig und eme Personal, wo wisse, dass Haimbewooneren und -be-

wooner e Rächt uff gueti Behandlig und perseenligi Freyhait hänn. Ainewääg: wenn me sich fir dr Yydritt in s Haim entschliesst, isch das aini vo de schwäärschten Entschaidige, wo aim s Lääben uffgit. Eb me soo wyt isch, brieft men allwääg alli andere Meegligkaite: Hilf vo Verwandte, Alterswoonig, Huushilf, Spitex usw. Wenn men aber zem Schluss kunnt, dr Räschte vom Lääben im ene Haim z verbringe, sich vo so vyblem z drenne, wo bis jetzt wichtig gsi isch, drno sott me d Wäggsel, wenn me no Zyt drzue het, guet vorberaite. Mit dr Familie zämme muess me d Woonig liquidiere (wenn me sich s laische ka, nit gaar gschwind, ass non e Ruggzugsmeegligkait blybt). Drno muess men e bar Haim aaluegen und mitenander verglyche. Die ainte biete das, die andere säll; s kunnt druff aa, uff was me vor allem Wäärt legt. Vylicht weelt men ains, well men aigeni Meebel ka mitnäa oder dr Hund, en anders, well gueti Pfläag sichergstellt isch oder well men en eigene Huusschlüssel bekunnt. Wichtig sinn glaari Abmachige

mit em Haim – e Verdraag – und e Budget, wie die neyi Zuekunft finanziert wäärde ka, allefalls mit Grangkasse- oder Ergänzigslaischtige. S git no vyyl, wo me vor em Haimyydritt druff luege muess. Und doo isch s guet, ass d Pro Senectute aim mit zwai Schrifte*: «Ich ziehe ins Altersheim» und «Ein Heim für Ihre Lieben?» alli Informatioone vermittelt, wo men in däm Zämmehang druff aagwiisen isch.


Wäär in s Haim goot, git e gwiisi Freyhait uff. Wenn sii oder äär sich nimm sälber um Pfläag und Huushalt kimmere muess, gwinne si en anderi, e neyi Freyhait.

Carl Miville-Seiler
Alt-Ständerat

*Die beiden Broschüren können bei Pro Senectute Schweiz, Zentralsekretariat, 8027 Zürich, Tel. 01 201 30 20, bezogen werden.

WEIS & HOTTIGER

bringt jeden Wunsch zu Boden



Parkett, Teppiche und Bodenbeläge Haltingerstrasse 5, 4005 Basel Tel. 061/691 44 22

FAV

ACHERMANN-REISEN

Das freundliche Carunternehmen
Güterstrasse 271 4053 BASEL

☎ 061/332 12 32

Verlangen Sie unser Ferienangebot, Programme für Tagesfahrten und Offerten für Vereins-, Familien- und Geschäftsausflüge

